

摘藻堂四庫全書薈要

集部

欽定四庫全書薈要卷一萬八千七百六十三

集部

御定佩文齋詠物詩選卷一百四十一

刀類

五言古

以雙刀遺子由子由有詩次其韻

宋
蘇軾

寶刀匣不見但見龍雀鏤何曾斬蛟蛇亦未切琅玕胡
為穿窬輩見之要領寒吾刀不汝問有媿在其肝念此

力自藏色之虎皮斑湛然如古井終歲不復瀾不憂無
所用憂在用者難佩之非其人匣中自長歎我老衆所
易屢遭非意干惟有王元通階庭秀芝蘭知子後必大
故擇刀所便屠狗非不用一歲六七刈欲試百鍊剗要
須更泥蟠作詩銘其背以待知者看

刀贈程自邑

明鄭作

昔客汴上來曾遺西番刀出鞘試齟齬口吹斷毫毛裹
以白鹿皮纏以青絲絛不逢拂拭人塵埃甘自韜把贈

慚吾老功名看汝豪

七言古

附長短句

崔五丈圖屏風各賦一物得烏孫佩刀

唐

李頎

烏孫腰間佩兩刀
刀可吹毛錦為帶
握中枕宿穹廬室
馬上割飛蠨蛸塞
執之魍魎誰能前
氣凜清風沙漠邊
磨用陰山一片玉
洗將朔北獨流泉
主人屏風寫奇狀
鐵鞘金鐶儼相向
回頭瞪目時
一看使予心在江湖上

荆南兵馬使太常卿趙公大食刀歌

唐
杜甫

太常樓船聲嗷嘈問兵刮寇趨下牢牧出令奔飛百艘
猛蛟突獸紛騰逃白帝寒城駐錦袍玄冬示我胡國刀
壯士短衣頭虎毛憑軒拔鞘天為高翻風轉日木怒號
冰翼雪淡傷哀猱鑄錯碧鬕鷗鷯膏鉉鏐已瑩虛秋濤
鬼物撇捩亂坑壕蒼水使者捫赤條龍伯國人罷釣鰲
芮公回首顏色勞分閭救世用賢豪趙公玉立高歌起

攬環結佩相終始萬歲持之護天子得君亂絲與君理
蜀江如線針如水荊岑彈丸心未已賊臣惡子休干紀
魑魅魍魎徒為耳妖腰亂領敢欣喜用之不高亦不庠
不似長劍須天倚吁嗟光祿英雄弭大食寶刀聊可比
丹青宛轉麒麟裏光芒六合無泥滓

難綰刀子歌

唐
盧綸

黃金鞘裏青蘆葉麗若剪成鋸且翬輕冰薄玉狀不分
一尺寒光堪決雲吹毛可試不可觸似有蟲搜闕裂文

淬之幾墮前池水焉知不是蛟龍子割雞刺虎皆若空
願應君心逐君指并州難綰竟何人每成此物如有神

日本刀歌

宋
歐陽脩

昆夷道遠不復通世傳切玉誰能窮寶刀近出日本國
越賈得之滄海東魚皮裝貼香木鞘黃白間雜鏃與銅
百金傳入好事手佩服可以禳妖凶傳聞其國居大島
土壤沃饒風俗好其先徐福詐秦民採藥淹留壯童老
百工五種與之居至今器玩皆精巧前朝貢獻屢往來

士人往往工詞藻徐福行時書未焚逸書百篇今尚存
令嚴不許傳中國舉世無人識古文先王大典藏蠻貊
滄波浩蕩無通津令人感激坐流涕鏞澀短刀何足云
贈戴嗣良歌時罷洪府監兵過廣陵為東坡公
出所獲西夏刀劍東坡公命作

宋
晁補之

三郎少日如乳虎代父搏賊驚山東硬弓長箭取官職
自說九戰皆先鋒將軍拳勇饋不繼痛惜靈武奇謀空

城頭揶揄下俛走壯士志屈羞填胃平生山西踏霜雪
洪府下濕號兒童聞名未識二十載初見長揖東坡公
銳頭短後凜八尺氣似飲井垂檐虹只令不語當陣立
望見已是千夫雄往年身奪五刀劍名玉所環犀札同
晨朝攜來一府看竊指私語驚庭中紅粧擁坐花照酒
青萍拔鞘堂生風螺旋鋸鋸波起脊白蛟雙挾三蒼龍
試人一縷立褫魄戲客三招森動容東坡喜為出好礪
洮鴨綠石如堅銅收藏入匣人意定蛾眉稍進琉璃鍾

太平君子尚小成戒懼邾小毋弄蜂舞千兩階庶可覩
跳空七劍今何庸我為蘇公起揚解雅歌緩帶聊堪同
從公請礪歸作硯聞公常諫求邊功

北庭宣元杰西番刀歌

元張憲

金神起持水火齊煅煉陰陽結精銳七月七日授冶師
手作鉗鎚股為礪一千七百七十鋒脊高體狹刀口洪
龍飛蛟化歲月久阮師舊物今無蹤呱哇繡鑲柔可曲
東倭純鋼不受觸賢侯示我西番刀名壓古今刀劍錄

三尖兩刃圭首圓劍脊黥黥生黑煙朱砂斑痕點人血
雕青皮軟金鉤聯唐人寶刀誇大食於今利器稱米息
十年土剝松紋生戎王造時當月蝕平章遺佩固有神
朱高固始多奇勲三公重器不虛授往繼王祥作輔臣

佩刀行

明
徐尊生

神人藏舟半天裏絕壑豁研露舟尾錚然有物墮中宵
八觚稜嶒長尺咫野僧拾之歸張公化為天矯蒼精龍
不知何世何年閔奇氣剗犀斷虎一旦生神通魑魅却

走妖邪空張公佩到蓬萊殿天上羣仙驚未見青絲纒
懸白玉環當晝孤光搖冷電為君淬厲向盤根縱有青
萍何足羨他年辭榮歸浙山莫行金華赤松間精靈感
會霹靂吼便恐飛去無時還

楊伯翼贈日本刀歌

明
王穉登

楊郎手持一匣霜贈我拂拭生寒芒鉛刀紛紛空滿目
君與此鏑皆魚腸南金換却東溟鐵上帶倭兵髑髏血
血未曾消刃未平皎若蓮花浸秋月燈前細看鷗鷺鋒

金
卷一百四十一
入手還疑蛟與龍門外湖深恐飛去朱繩夜縛青芙蓉
苔花爛斑土花紫白虹沈沈卧寒水歸家不惜十年磨
他日還能報知己

五言律

刀

唐
李嶠

列辟鳴鸞至惟良佩犢旋帶環疑寫月引鑑似含泉入
夢華梁上藏鋒彩筆前莫驚開百鍊特擬定三邊

琉球刀

明
徐渭

單刀新試舞雙劍舊能輪雨過腥聞血風旋雪裏身對
銀歸思動挂壁崩緱塵醉後時橫看終當贈與人

七言律

詠邵文敬所藏轉刀

明
吳寬

鑠金巧思出工倕獨抱機心展轉危報主久知深自許
授人難辨倒相持筆端字悟藏鋒妙囊底錐嫌脫穎遲
詩社埋頭羞銳進吳箋一割尚差差

五言絕句

視刀環歌

唐
劉禹錫

常恨言語淺不如人意深今朝兩相視脈脈萬重心

御定佩文齋詠物詩選卷一百四十一

欽定四庫全書薈要卷一萬八千七百六十四

集部

御定佩文齋詠物詩選卷一百四十二

劍類

五言古

劍

魏文帝

越民鑄寶劍出匣吐寒芒服之禦左右除凶致福祥

寶劍

梁吳均

我有一寶劍出自昆吾谿照人如照水切玉如切泥鐔

邊霜凜凜匣上風淒淒寄語張公子何當來見攜

經豐城劒池

陳陰鏗

清池自湛澹神劒久遷移無復連星氣空餘似月池夾
篠澄深淥含風結細漪唯有蓮花萼還想匣中雌

古劒

唐劉長卿

龍泉間古匣苔蘚淪此地何意久藏鋒翻令世人棄鐵
衣今正澀寶刃猶可試儻遇拂拭恩應知剗犀利

折劒頭

唐白居易

拾得折劒頭不知折之由一握青蛇尾數寸碧峰頭疑
是斬鯨鯢不然刺蛟蚪缺落泥土中委棄無人收我有
鄙介性好剛不好柔勿輕直折劒猶勝曲全鉤

寶劒吟

宋陸游

幽人枕寶劒殷殷夜有聲人言劒化龍直恐興風霆不
然憤狂豎慨然思遐征取酒起酹劒至寶當潛形豈無
知君者時來自施行一匣有餘地胡為鳴不平

寶劒篇

明祝允明

我有三尺匣白石隱青鋒一藏三十年不敢輕開封無
人解舞術秋山蟄神龍時時自提看碧水蒼芙蓉家雞
未須割屠蛟或當逢想望張壯武揄揚郭代公高歌撫
匣卧遐想干將翁幸得留光彩長飛星漢中

七言古

附長短句

古劍篇

唐郭元振

君不見昆吾鐵冶飛炎煙紅光紫氣俱赫然良工鍛鍊
凡幾年鑄得寶劍名龍泉龍泉顏色如霜雪良工咨嗟

歎奇絕琉璃玉匣吐蓮花錯鏤金環映明月正逢天下
無風塵幸得周防君子身精光黯黯青蛇色文章片片
綠龜鱗非直結交遊俠子亦曾親近英雄人何言中路
遭棄捐零落漂淪古獄邊雖復塵埋無所用猶能夜夜
氣衝天

與弟渤新羅劍歌

唐李涉

我有神劍異人與暗中往往精靈語識者知從東海來
來時一夜因風雨長河臨曉北斗殘秋水露背青螭寒

昨夜大梁城下宿不借跌跌光顏看刃邊颯颯塵沙缺
癥痕半是蛟龍血雷煥張華久已無沈寃知向誰人說
我有愛弟都九江一條直氣今無雙青光好去莫惆悵
必斬長鯨須少壯

武昌銅劍歌

宋蘇軾

雨餘江清風卷沙雷公躡雲捕黃蛇蛇行空中如狂矢
電光煜煜燒蛇尾或投以塊鏗有聲雷飛上天蛇入水
水上青山如削鐵神物欲出山自裂細看兩脇生碧花

猶是西江老蛟血蘇子得之何所為
荆綖彈鋏詠新詩
君不見凌煙功臣長九尺腰間玉具高拄頤
張幾仲有龍尾子石硯以銅劔易之

蘇軾

我家銅劔如赤蛇君家石硯蒼壁橢而靈
君持我劔向何許大明宮裏玉珮鳴衝牙
我得君硯亦安用雪堂窓下爾雅箋魚鰕
二物與人初不異飄落高下隨風花荆綖
玉具皆外物視草草玄無等差君不見秦
趙城易璧

指圖睨柱相矜誇又不見二生妾換馬驕鳴歎泣思其
家不如無情兩相與永以為好譬之桃李與瓊華

郭祥正家醉畫竹石壁上郭作詩為謝且遺二

古銅劍

蘇軾

空腸得酒芒角出肝肺槎牙生竹石森然欲作不可回
吐向君家雪色壁平生好詩仍好畫書牆浣壁長遭罵
不瞋不罵喜有餘世間誰復如君者一雙銅劍秋水光
兩首新詩爭劍鏐劍在床頭詩在手不知誰作蛟龍吼

漢劍歌

元貢奎

古劍粼粼一泓水高堂脫鞘神光起何年失勢竟飛來
風雨靈雌泣淵底自從掌握歸山人勾連鐵鎖羈煙塵
山石裂開鳴碧玉土華蝕盡浮蒼鱗天官下勅百靈守
呼吸雲雷任驅走或云其來由漢始留侯佩從赤松子
千載相傳有定名造物忘令書太史君不見干將莫邪
離復合氣衝牛斗森滅沒長鯨掉尾滄海濶

寶劍歌

明孫炎

寶劍光耿耿佩之可以當一龍只是陰山太古雪為誰
結此青芙蓉明珠為寶錦為帶三尺枯蛟出冰海自從
虎革裹干戈飛入芒碭育光彩青田劉郎漢諸孫傳家
惟有此物存匣中千年睡不醒白帝血染桃花痕山童
神全眼如日時見蜿蜒走虛室我逢龍精不敢彈正氣
直貫青天寒還君持之獻明主若歲大旱為霖雨

匣劍行

明
張元凱

生長闔閭國家住專諸里鍛鍊昆吾成一匣明秋水秋

水泠泠聲繞扉淒清中夜蛟龍歸空廬獨抱朗月卧高
天颯動霜華飛提攜神物無人覺何來白虹常在握鋒
芒衛霍耀天山精靈荊鼎傾河嶽結客紛紛向五陵呼
盧博采且浮沈寧輸百萬留三尺懸在腰間酬寸心鷗
鷺新淬光如雪照見人間不平事玉玦金環日日間匣
中一朶明珠淚嚴城吹角秋夜清風淒月肅鄰雞鳴擘
衣起舞欲拔劍無乃歲久青苔生莫邪空老無人齒世
人共寶鉛刀耳慕南塞北行路難酬恩報怨竟誰是淪

落沈埋一崩緱恥將彈缺動諸侯豐城不掩干霄氣越
石何嗟繞指柔

五言律

蕃劍

唐
杜甫

致此自僻遠又非珠玉裝如何有奇怪每夜吐光芒虎
氣必騰上龍身寧久藏風塵苦未息持汝奉明王

寶劍篇

唐
劉長卿

寶劍不可得相逢幾許難今朝一度見赤色照人寒匣

裏星文動環邊月影殘自然神鬼伏無事莫空彈

賦得雙佩劒送方生趨幕府

明 潘 緯

近津雙玉虹神物合雌雄易用千金購難為一割功塵
埋餘斗氣歲遠結陰風感激封侯去龍鳴出匣中

賦得劒并送湯憲副

明 童 珮

寶鏐曾留此千年尚有名星辰片雲識風雨半江生鍊
想古人跡功知烈士成張華在當路寧使久延平

五言排律

觀淬龍泉劍

唐裴夷

歐冶將成器風胡幸見逢
發硎思剗玉投水化為龍
詎肯藏深匣終期用剗鐘
蓮花生寶鏐秋日厲霜鋒
鍊質纔三尺吹毛過百重
擊磨如不倦提握願長從

劍化為龍

唐張聿

古劍誠難屈精明有所從
沈埋方出獄會合却成龍
牛斗冤初歇蜿蜒氣漸濃
雲濤透百尺水府躍千重
拖尾迷蓮鏐張鱗露錦容
至今沙岸下誰得覩靈蹤

五言絕句

劍客

唐
賈島

十年磨一劍霜刃未曾試
今日把似君誰有不平事

七言絕句

書劍

唐
元稹

渝工劍刃皆歐冶
巴吏書蹤盡子雲
唯我心知有來處
泊船黃草夜思君

寶劍

唐
韓偓

困極應還有日通難將塵土掩神蹤但教出得豐城後
不是延津亦化龍

詠劍

明 沈貞

三尺精靈夜吐輝曾聞天上化龍飛千金漫落英雄手
不斷人間是與非

戚將軍贈寶劍歌

明 王世貞

鑄成歐冶笑相看朶朶蓮花映日寒自是君家第三劍
當年不遣贈來丹

其二

曾向滄流割怒鯨
酒闌分手贈書生
芙蓉澀盡魚鱗老
總為人間事漸平

其三

霜華出匣影迷離
懶傍商山刈紫芝
腰下長鑣來便妒
不須風雨論雄雌

其四

螭頭銜玉虎絲絛
白晝凌霜夜吼濤
東海王生身漸老

可能酬得呂虔刀

御定佩文齋詠物詩選卷一百四十二

欽定四庫全書薈要卷一萬八千七百六十五

集部

御定佩文齋詠物詩選卷一百四十三

旌旗類

五言古

揚旗

唐杜甫

江雨颯長夏府中有餘清我公會賓客肅肅有異聲初
筵閱軍裝羅列照廣庭庭空六馬入駸駸揚旗旌回回
偃飛蓋熠熠迸流星來纏風颭急去擘山嶽傾材歸俯

身盡妙取略地平虹蜺就掌握舒卷隨人輕三州逼寇
戎但見西嶺青公來練猛士欲奪天邊城此堂不易升
庸蜀日已寧吾徒且加餐休適蠻與荆

五言律

旌

唐
李嶠

告善康莊側求賢市肆中擁麾分彩雉持節曳丹虹影
麗天山雪光搖朔塞風方知美周政抗旆賦車攻

旗

李
嶠

桂影承宵月虹輝接曙雲縱橫齊八陣舒卷引三軍日
薄蛟龍影風翻鳥隼文誰知懷勇志蟠地幾繽紛

五言絕句

麾

明
高啓

彩帛曳長虹悠悠捲塞風三軍齊陷陣應在一揮中

御定佩文齋詠物詩選卷一百四十三

欽定四庫全書薈要卷一萬八千七百六十六

集部

御定佩文齋詠物詩選卷一百四十四

戰袍類

七言古

觀杭州鈴轄歐育刀劍戰袍

宋蘇軾

青綾衲衫暖襯甲紅線勒帛光遶脇
禿巾小袖雕鶻盤大刀長劍龍蛇杻
兩軍鼓噪屋瓦墜紅塵白羽紛相雜
將軍恩重此身輕笑履鋒鏑如一插
書生只肯坐帷幄

談笑毫端弄生殺
叫呼擊鼓催上竿
猛士應憐小兒黠
試問黃河夜偷渡
掠面驚沙寒霎霎
何如大艦日高眠
一枕清風過茗雪

五言律

賦得戰袍紅

明徐渭

海罽染啼猩
征袍製始成
春籠香共疊
夜帳火俱明
自與鶉旗映
還宜蟒繡縈
戰歸新月上
脫向侍兒擎

五言絕句

戰袍

明高啓

雕錦剪花團三邊總認看尋常不肯著風雪念兵寒

御定佩文齋詠物詩選卷一百四十四



總校官庶吉士臣侍朝

校對官檢討臣蕭九成

謄錄舉人臣李駟

謄錄監生臣劉天倉

欽定四庫全書薈要

集部

御定詠物詩選卷一百

四十五至
六十



欽定四庫全書薈要卷一萬八千七百六十七

集部

御定佩文齋詠物詩選卷一百四十五

彈類

五言古

南林彈

晉桓玄

散帶躡良馬揮彈出長林
歸翮赴舊棲喬木轉翔禽
落羽尋絕響屢中轉應心

七言古

挾彈圖

明 陳紹先

連錢驄馬雕鞍新銀蹄蹠躑揚風塵一聲嘶過沙隄畔
雨香雲暖當芳春烏紗雲錦新承賜侍宴明光醉歸去
彎弓挾彈望飛禽落花滿地無尋處

其二

奚官平明出建章金羈白馬多恩光翻身忽見草中兔
雕弓滿彀如鷹揚四蹄蹴踏煙莎短垂鞭緩把絛羶綰
歸來猶帶上林酣揮袂香風春日暖

五言律

彈

唐李嶠

俠客持蘇合佳遊滿帝鄉
避丸深可誚求炙遂難忘
金迸疑星落珠成似月光
誰知少孺子將此諫吳王

七言絕句

宮詞

宋花藥夫人

侍女爭揮玉彈弓
金丸飛入亂花中
一時驚起流鶯散
踏落殘花滿地紅

四馬挾彈圖

元 楊維禎

八駿瑤池一半歸錦袍欲脫玉腰圍
君王手挾流星彈莫打慈烏繞樹飛

題挾彈人馬圖

明 張適

驄騎閒行不用鞭綠陰原上草芊芊
是誰催促春歸去却把金丸打杜鵑

題挾彈圖

明 陳繼

白馬雕鞍艷綺羅東城南陌遍經過
金丸且莫輕拋擲

綠樹春深乳雀多

題趙仲穆挾彈圖

明

李東陽

東風挾彈小城春
遊騎飛韁不動塵
道上相逢休借問
衛家兄弟霍家親

御定佩文齋詠物詩選卷一百四十五

欽定四庫全書薈要卷一萬八千七百六十八

集部

御定佩文齋詠物詩選卷一百四十六

鞭類

五言古

野夫採鞭於東山偶得元者

唐

羊士諤

追風豈無策持斧有遐想
鳳去留孤根巖懸非朽壤
苔斑自天生玉節垂雲長
勿謂山之幽丹梯亦可上

野節鞭

唐

元稹

神鞭鞭宇宙玉鞭鞭騏驎緊絏野節鞭本用鞭鼻鼻使
君鞭甚長使君馬亦利司馬竝馬行司馬馬顛顛短鞭
不可施疾步無由致使君駐馬言願以長鞭遺此遺不
尋常此鞭不容易金堅無繳繞玉滑無塵膩青蛇坼生
石不刺山阿地烏龜旋眼斑不染江頭淚長看雷雨痕
未忍驚駘試特用換所持無令等閒棄答言君何奇贈
我君所貴我用亦不凡終身保明義誓以鞭姦頑不以
鞭塞蹟指撝狡兔蹤決撻怪龍睡借令寸寸折節節不

虛墜因作換鞭詩詩成謂同志而我得聞之笑君年少
意安用換長鞭鞭長亦奚為我有鞭尺餘泥拋風雨漬
不擬間贈行唯將爛誇醉春來信馬頭款緩花前轡願
我遲似攣饒君疾如翅

長短句

詠馬鞭

唐
高適

龍竹養根凡幾年工人截之為長鞭一節一目皆天然
珠重重星連連繞指柔純金堅繩不直規不圓把向空

中捎一聲良馬有心日馳千

五言律

賦得鐵馬鞭

唐戎昱

成器雖因匠懷剛本自天為憐持寸節長擬靜三邊未
入英髦用空存鐵石堅希君剖腹取還解抱龍泉

七言律

劉二十八以文石枕見贈仍題絕句以將厚意

因持辟州鞭酬謝兼廣為四韻

唐元稹

枕截文瓊珠綴篇野人酬贈壁州鞭用長時節君須策
泥醉風雲我欲眠歌盼彩霞臨藥竈執陪仙仗引爐煙
張騫却上知何日隨會歸期在此年

御定佩文齋詠物詩選卷一百四十六

欽定四庫全書薈要卷一萬八千七百六十九

集部

御定佩文齋詠物詩選卷一百四十七

武備雜類

五言古

詠鞞應詔

梁蕭琛

抑揚應雅舞擊節逗和音却馬既云在將帥止思心

七言古

文皇御槍歌

明王世貞

天欲大統歸文皇健兒插羽起翼方隆準重瞳美髯秀
如雲黑幟綠沈槍幟尾絨排七曜色槍尖鐵浴九秋霜
毋論此槍丈二尺尺刃能為萬人敵耀如掣電長繞身
裊若脩蛇生四翼銜枚直透深陣後立表時懸伏兵色
白溝河潰呼吸中金陵鐵甕無堅墉保兒身手豈不健
凡介豈敢追真龍紫茸甲彫赤驃死若論元勲此槍耳
貫鏃中穿懸昧白捍刃痕多斷鱗紫星斗長依黼座邊
虹霓不試太平年寧如漢祖斬蛇劍武庫風多遽上天

五言律

弩

唐
李嶠

挺質本軒皇，申威震遠方。
機張驚雉雉，玉彩耀星芒。
高鳥行應盡，清猿坐見傷。
蘇秦六百步，持此說韓王。

夕烽

唐
杜甫

夕烽來不近，每日報平安。
塞上傳光小，雲邊落點殘。
照秦通警急，過隴自艱難。
聞道蓬萊殿，千門立馬看。

五言絕句

矛

明高啓

畫榦似蛇長誰論半段槍日斜親鬪罷高宴卓沙場

胄

高啓

黃金胄虎頭乍免走豪酋還有從容處綸巾按壘遊

鎧

高啓

絲串鏤文銀高城日照鱗環來曾攬陣一鏃不傷身

七言絕句

狼煙

唐薛逢

三道狼煙過磧來受降城上探旗開傳聲却報邊無事
自是官軍入鈔回

聞號

唐
鄭畋

陞兵偏近御林營夜靜仍傳禁號聲應笑執金雙闕下
近南猶隔兩重城

御定佩文齋詠物詩選卷一百四十七

欽定四庫全書薈要卷一萬八千七百七十

御定佩文齋詠物詩選卷一百四十八

鹵簿類

五言排律

元日望含元殿御扇開

唐
張

筥

萬國來朝歲千秋觀聖君輦迎仙仗出扇匝御香焚俯
對朝容近先知曙色分冕旒開處見鐘磬合時聞影動
承朝日花攢似慶雲蒲葵那可比徒用隔炎氛

七言律

元日樓前觀仗

唐
薛逢

千門曙色鎖寒梅，五夜疎鐘曉箭催。
寶馬占隄朝闕去，香車爭路進名來。
天臨玉几班初合，日照金雞仗欲迴。
更傍紫微瞻北斗，上林佳氣滿樓臺。

七言絕句

宮詞

唐
王建

秘殿清齋刻漏長，紫微宮女夜焚香。
拜陵日近公卿發，

鹵簿分頭出太常

壽杯詞

唐司空圖

臺城細仗曉初移
詔賜千官襖飲時
綠帳遠籠清佩響
更熏晴日上龍旗

駕幸新豐溫泉宮獻詩

唐上官昭容

鸞旂掣曳拂空回
羽騎驂驪躡景來
隱隱驪山雲外聳
迢迢御帳日邊開

探花詞

金元好問

禁裏蒼龍啟九關
殿前鸚鵡喚新班
沈沈綠樹鞭聲遠
嫋嫋薰風扇影閒

元旦朝回書事

元吳師道

朱衣高唱御樓東
清漏遲遲晝景中
黃繖寶幢微影動
一時吹面受東風

輦下曲

元張昱

三司侍宴皇情洽
對御吹螺大禮終
寶扇合鞘催放仗
馬蹄哄散萬花中

古宮詞

元王逢

萬年枝上月團團一色珠衣立露寒
獨有君王遙認得
扇開雙尾簇紅鸞

御定佩文齋詠物詩選卷一百四十八

欽定四庫全書薈要卷一萬八千七百七十一

集部

御定佩文齋詠物詩選卷一百四十九

儀器類

五言律

銅儀

元揭傒斯

法象坤儀重來從汴水遷飛龍纏四極黃道界中天望
絕秋毫未循環太古前荒臺明月夜歷歷應星躔

五言排律

尚書郎上直聞春漏

唐張少博

建禮含香處重城待漏辰
徐聞傳鳳闕曉唱辨雞人
銀箭聽將盡銅壺滴更新
催籌當五夜移刻及三春
香從天遠泠泠出禁頻直
廬殘響曙肅穆對勾陳

冬夜集賦得寒漏

唐皇甫冉

清冬洛陽客寒漏建章臺
出禁因風徹縈牕共月來
偏將殘瀨雜乍與遠鴻哀
遙夜重城警流年滴水催
閒齋堪坐聽況有故人杯

觀象臺銅渾天儀刻漏

明鍾惺

製出何人手年標異代君篆成蝌蚪跡斑上鷓鴣紋古
瓦樓朝露孤楹抱宿雲九金來禹牧七政準堯文候較
吹葭審躔從累黍分當時甘石輩心目太精勤

七言律

銅儀

唐韋莊

銅儀一夜變葭灰煖律還吹嶺上梅已喜漢宮今再睹
更驚堯曆又重開窻中遠岫青如黛門外長江綠似苔

誰念閉關張仲蔚滿庭春雨長蒿萊

刻漏

宋朱子

無疑莫詰君平肆任運休尋季主家謾設銅壺候尺咫
閒參玉表驗分差不妨啟處知時節那更榮枯紀歲華
却羨昇平好官府日高三丈放朝衙

五言絕句

宮中樂

唐令狐楚

月上宮花靜煙含苑樹深銀臺門已閉仙漏夜沉沉

七言絕句

宮詞

宋
花蕊夫人

雞人報曉纔三唱
玉井金牀轉轆轤
烟引御爐香繞殿
漏籤初刻上銅壺

早朝詩

明
楊子器

殘月朧朧欲五更
禁門候立萬燈明
君王靜對銅人坐
一夜齋宮數漏聲

引奏後即事

明
蔡羽

千門花柳轉楓宸
百和香中過輦塵
銀箭忽從天上落
六宮仙子聽時辰

日星晷

明

周玉簫

八節晨昏子半時
極星出地較高卑
君心不似天經緯
日日歸垣定不移

御定佩文齋詠物詩選卷一百四十九

欽定四庫全書薈要卷一萬八千七百七十二

集部

御定佩文齋詠物詩選卷一百五十

權衡度量類

四言古

嘉量銘

周闕名

時文思索允臻其極嘉量既成以觀四國永啓厥後茲
器維則

五言律

賦得秤送孟孺卿

唐包何

願以金錘秤因君贈別離
鈎懸新月吐衡直衆星隨
掌握須平執錙銖必盡知
由來投分審莫放弄權移

五言排律

奉和中和節詔賜公卿尺

唐裴度

陽和行慶賜尺度為臣工
荷寵乘佳節傾心立大中
短長思合製遠近貴攸同
初仰裁成德將酬分寸功
作程施有用垂範播無窮
願永延洪壽千春奉聖躬

奉和中節詔賜公卿尺

唐李觀

淑景韶光媚皇家寵錫崇具寮頒玉尺成器幸良工豈
止尋常用將傳度量同人何不取則物亦賴其功紫翰
宣殊造丹誠屬匪躬奉之無失墜恩澤自天中

七言絕句

天秤

明郭登

體物何曾有重輕相君因爾號阿衡誰多誰少皆公論
纔有些兒便不平

御定佩文齋詠物詩選卷一百五十

欽定四庫全書薈要卷一萬八千七百七十三

集部

御定佩文齋詠物詩選卷一百五十一

寶玉類

四言古

玉贊

晉庾肅之

圓璧月鏡璆琳星羅結秀藍田輝真荆和元珪特達瑜
不掩瑕質鮮氣潤流映滂沱

瑾瑜玉贊

晉郭璞

鍾山之美爰有玉華光彩流映氣如虹霞君子是佩象
德閑邪

五言古

見賣玉器者

宋 鮑照

涇渭不可雜珉玉當早分子實舊楚客蒙俗謬有聞安
知理孚采豈識質明溫我方歷上國從洛入函轅揚光
十貴室馳譽四豪門奇聲振朝邑高價服鄉邨寧能與
爾曹瑕瑜稍辨論

古風

唐李白

宋國梧臺東野人得燕石誇作天下珍却哂趙王璧趙
璧無綃磷燕石非貞真流俗多錯誤豈知玉與珉

七言古

片玉篇

唐錢起

至寶未為代所奇韞靈示璞荆山陞獨使虹光天子識
不將清韻世人知世人所貴惟燕石美玉對之成瓦礫
空山埋照凡幾年古色蒼痕宛自然重谿幕幕暗雲樹

一片熒熒光石泉美人之鑒明且徹玉指提携歎奇絕
試勞香袖拂莓苔不覺清心皎冰雪連城美價幸逢時
命代良工豈見遺試作珪璋禮天地何如璵璠在堦墀

金璫玉佩歌

唐顧況

贈君金璫太霄之玉珮金鎖禹步之流珠五嶽真君之
秘籙九天丈人之寶書東井沐浴辰已畢先進洞房上
奔日借問君從何處來黃姑織女機邊出

五言律

詠玉

唐
李嶠

映石先過魏，連城欲向秦。
洛陽陪勝友，燕趙類佳人。
方水晴虹媚，常山瑞馬新。
徒爲卞和識，不遇楚王珍。

五言排律

賦得沽美玉

唐
南巨川

抱玉將何適，良工正在斯。
有瑕寧自掩，匪石幸君知。
雕琢成器，縑磷志不移。
飾樽光宴賞，入佩奉威儀。
象德曾畱譽，如虹竊可奇。
終希逢善價，還得桂林枝。

賦得沽美玉

唐羅立言

誰憐披褐士懷玉正求沽成器終期達逢時豈見誣寶
同珠照乘價重劒論都浮彩朝虹滿懸光月影孤幾年
淪瓦礫今日出泥塗采斲資良匠無令瑕掩瑜

賦得瑕瑜不相掩

唐陳中師

出石溫然玉瑕瑜素在中妍媸因異彩音韻信殊風讓
美心方並求疵意本同光華開縝密清潤仰磨礪秀質
非攘善貞姿肯廢忠今來儻成器分別在良工

賦得瑕瑜不相掩

唐
武翊黃

抱璞應難辨妍媸每自融貞姿偏特達微玷遇磨礱涇
渭流終異瑕瑜自不同半曾光透石未掩氣如虹績密
誠為智包藏豈謂忠疑看分美惡今得值良工

賦得白珪無玷

唐
辛 洪

片玉表堅貞逢時寶自呈色鮮同雪白光潤奪冰清皎
皎無瑕玷鏘鏘有佩聲崑山標重價垂棘振香名抱璞
心常苦全真道未行琢磨欣大匠還冀動連城

賦得憂玉有餘聲

唐
管雄甫

憂玉音難盡
疑人思轉清
依稀流戶牖
髣髴在檐楹
更逐松風起
還將澗水并
樂中如舊曲
天際轉餘聲
漂瞥浮煙遠
溫柔入耳輕
想如君子佩
時得上堂鳴

賦得玉聲如樂

唐
潘存實

表質自堅貞
因人一叩鳴
靜將金並響
妙與樂同聲
杳杳疑風送
泠泠似曲成
韻含湘瑟切
音帶帝絃清
不獨藏虹氣
猶能暢物情
后夔如為聽
從此振錚錚

賦得瑕玉成器

唐
葉季良

片玉寄幽石紛綸當代名
荆人獻始遇良匠琢初成
水映寒光動虹開晚色明
雅容看更澈餘響叩彌清
自與瓊瑶比方隨掌握榮
因知君有用高價佇連城

五言絕句

詠水精

唐
韋應物

映物隨顏色含空無表裏
持來向明月的皦愁成水

詠珊瑚

韋應物

絳樹無花葉非石亦非瓊世人何處得蓬萊頂上生

詠琉璃

韋應物

有色同寒冰無物隔纖塵象筵看不見堪將對玉人

水精

唐王建

映水色不別向月光還度傾在荷葉中有時看是露

七言絕句

冶春口號

元楊維禎

見說崑田生玉子海西還有小崑崙明朝去拔珊瑚樹

龍氣隨飛過海門

元宮詞

明
朱有燬

一段無瑕白玉光
來從西域獻君王
製成新樣雙龍鼎
慶壽宮中奉太皇

御定佩文齋詠物詩選卷一百五十一

欽定四庫全書薈要卷一萬八千七百七十四

集部

御定佩文齋詠物詩選卷一百五十二

珠類

五言古

擬古

宋朱子

夫君滄海至贈我一篋珠
誰言君行近南北萬里餘
結作同心花綴在紅羅襦
雙垂合歡帶麗服眷微軀
為君一起舞君情定何如

古樂府

元黃清老

君好錦繡段妾好明月珠
錦繡可為服服美令人愚
不如珠夜光可以照讀書

五言律

詠珠

唐李嶠

燦爛金輿側玲瓏玉殿隈
昆池明月滿合浦夜光迴
彩逐靈蛇轉形隨舞鳳來
甘泉宮起罷花媚望風臺

奉試明堂火珠

唐崔曙

正位開重屋凌空出火珠
夜來雙月滿曙後一星孤
天淨光難滅雲生望欲無
遙知太平代國寶在名都

五言排律

省試驪珠詩

唐耿漳

是日重淵下言探徑寸珠
龍鱗今不逆魚目也應殊
掌上星初滿盤中月正孤
酬恩光莫及照乘色難踰
欲問投人否先論按劍無
儻憐希代價敢對此冰壺

賦得沈珠於淵

唐獨孤綬

至道歸淳朴明珠被棄捐
失真來照乘成性却沈泉
不是靈蛇吐猶疑合浦旋
岸傍隨日落波底共星懸
致遠終無脛懷貪遂比肩
欲知恭儉德所寶在惟賢

賦得珠還合浦

唐
鄧陟

至寶含冲粹清虛映浦灣
素輝明蕩漾圓彩色紛瑋
昔逐諸侯去今隨太守還
影搖波裏月光動水中山
魚目徒相比驪龍乍可攀
願將車飾用長得耀君顏

賦得濁水求珠

唐
項斯

靈魄自沉浮從來任濁流願從深處得不向暗中投圓
月時堪惜滄波路可求沙尋龍窟遠泥訪蚌津幽是寶
終知貴惟恩且用酬如能在公掌的不負明眸

賦得暗投明珠

唐崔藩

至寶看懷袖明珠出復收向人光不定離掌勢難留皎
澈虛臨夜孤圓冷瑩秋徐來驚月落疾轉怕星流有淚
甘瑕棄無媒自暗投今朝感恩處將欲報隋侯

賦得水懷珠

唐莫宣卿

長川含媚水波底孕靈珠素魄生蘋末圓規照水隅淪
漣冰彩動蕩漾瑞光鋪夜迴星同貫秋清岸不枯江妃
思在掌海客亦忘軀合浦當還日恩威信已敷

被褐懷珠玉

宋

黃庭堅

國士懷珠玉通津不易枉
櫝藏心有待褐短義難降
寶唾歸青簡晴虹貫夜窓
直言方按劔豈是故迷邦
彈雀輕千仞連城買一雙
安知藍縷底明月弄寒江

五言絕句

桂水五千里

元 楊維禎

桂水五千里南風大府開
象王新貢入鮫女送珠來

七言絕句

小遊仙詩

唐 曹 唐

滄海令拋卽未能且緣鸞鶴立
相仍蔡家新婦莫嫌少
領取真珠三五升

遊仙

明 湯穎績

掛樹蒼猿朗朗呼
蘚侵石壁字模糊
癡龍領下珠如月

照見寰中五嶽圖

武皇南巡舊京歌

明 顧璘

石壁斜臨玄武湖中開天府貯民圖
文魚在藻承皇澤來傍龍舟夜吐珠

嘉靖宮詞

明 李 萊

小車飛曳向玄都翠羽金翹笑自扶
玉竦橋邊長日市內官爭買大秦珠

御定佩文齋詠物詩選卷一百五十二

欽定四庫全書薈要卷一萬八千七百七十五

集部

御定佩文齋詠物詩選卷一百五十三

金類

附銀

五言律

金

唐李嶠

南楚標前貢西秦識舊城
祭天封漢嶺擲地警孫聲
向日披沙淨含風振鐸鳴
方同楊伯起獨有四知名

銀

李嶠

金
思婦屏輝掩遊人燭影長玉壺初下箭桐井共安牀色
帶明河色光浮滿月光靈山有珍甕仙闕薦君王

五言排律

賦得金在鎔

唐
白行簡

巨橐方鎔物洪爐欲範金紫光看漸發赤氣望逾深
熱晴雲變煙浮晝景陰堅剛由我性鼓鑄任君心
踴躍徒標異沈潛自可欽何當得成器待叩向知音

七言絕句

路入金州江中作

唐方干

棹尋椒岸縈迴去數里時逢一兩家知是從來貢金處
江邊牧豎亦披沙

雜詠

明張治

紫宸宮闕九天開中使傳宣殿裏來紅玉雕盤宮錦覆
上公含笑賜金回

西苑宮詞

明張元凱

蓬萊方丈可梯航勾漏丹砂近寄將昨鑄銀山高幾許

試持玉尺殿中量

南唐宮詞

明
范
汭

女冠烏爪解方音
識得蓬瀛路淺深
戲擲雪花鎔紫磨
漢宮誰數辟寒金

御定佩文齋詠物詩選卷一百五十三

欽定四庫全書薈要卷一萬八千七百七十六

集部

御定佩文齋詠物詩選卷一百五十四

錢類

五言古

飲劉原甫家原甫懷二古錢勸酒其一齊之大
刀長五寸半其一王莽時金錯刀長二寸半

宋
梅堯臣

主人勸客飲勸客無天妍欲出古時物先請射以年我

料孔子履久化武庫煙固知陶氏梭飛乘風雨天世無
軒轅鏡百怪爭後先復聞豐城劍已入平津淵聊讐二
百載倘有書畫傳嗚呼纔十一便可傾觥船探懷發二
寶太公新室錢獨行齊大刀鐮形末環連文存半辨齊
背有楷法圓次觀金錯刀一刀平五千精銅不蠹蝕肉
好鈎婉全為君舉酒盡跨馬月娟娟

七言古

題毘陵承氏家藏古錢

元吳萊

我觀泉志頗識錢古今錢品不一傳歷山鑄金史靡紀
泉府職幣開其前五銖半兩日以變榆莢驚眼爭相緣
重輕子母信有制周郭肉好俱完全吾知聖人利世用
要在百貨得懋遷農夫紅女寘不易尺布斗粟儲為淵
嗟哉後王弊自此竟使匹庶握利權剪皮鑿鑠偽莫禁
執籤障麓慳稱賢國儲何當調度足民食矧是蠶鹽先
潛交鬼神欲著論臭衒富貴仍開廊冶卒銅工各鼓鞴
偏爐盜鑄多煙熒一朝變通別改幣餘盡沈朽徒埋船

承君好古此收拾寶玩有若編埒然大貝南金特嗇厚
元珪博璧同瑛鮮漢官受一潔簠簋晉士挂百酣梧捲
白水真人笑有識上清童子猜非仙古錢勿用幸久貯
古貨難賣空精甄時能撫摩却穢夢坐與饕濁收饒涎
世間萬物裏可盡牀脚一甕踏欲癩試看營室鑲星處
何似揚州騎鶴年

五言律

錢

唐李

嶠

漢日五銖建姬年九府流天龍帶泉寶地馬列金溝趙
壹囊初乏何曾箸欲收金門應入論玉井冀來求

七言律

金錢卜歡

元 楊維禎

紫姑壇上祝方兄忽聽呼盧擲地聲星斗未分牛女會
陰陽先判雨雲生青蚨孕子寧無兆玉蝶化身元有情
寶鏡重圓三五夜好磨半月問虧盈

錢篋

明 瞿佑

器小纔堪貯百千也勝撲滿費陶甄書生紙裹真堪笑
鄰女香囊亦可憐野步不須鞋上繫市沽何用杖頭懸
畫義更有黃州竹取用隨時合自然

詠錢

明
沈周

箇許微軀萬事任似泉流動利源深平章市物無偏價
泛濫兒童有愛心一飽莫充輸白粟五財同用媿黃金
可憐別號為賕賂多少英雄就此沈

丙子九月工部奏進萬厯制錢式樣賜講官六

人各一錠

明
于慎行

漢苑新成少府錢
萬年寶歷赤文鐫
青鳬出冶銅官奏
黃紙題名玉署傳
趙壹囊空畱暫滿
東方俸薄賜常偏
五侯甲第虛成埒
未擬儒臣受寵年

七言絕句

江南曲

唐
于鵠

偶向江邊採白蘋
還隨女伴賽江神
衆中不敢分明語
暗擲金錢卜遠人

御定佩文齋詠物詩選卷一百五十四

欽定四庫全書薈要卷一萬八千七百七十七

集部

御定佩文齋詠物詩選卷一百五十五

錦綺類

五言古

領邊繡

梁沈約

纖手製新奇刺作可憐儀
紫絲飛鳳子結縷坐花兒
不聲如動吹無風自裊枝
麗色倘未歇聊承雲鬢垂

五言律

錦

唐
李嶠

漢使中車遠河陽步障陳雲浮仙石日霞滿蜀江春機
迴迴文巧紳兼束髮新若逢楚王貴不作夜行人

綾

李嶠

金縷通秦國為裘指魏君落花遙寫霧飛鶴近圖雲馬
眼冰凌影竹根雪霰文何當畫秦女煙際坐氤氲

五言排律

賦得臨風舒錦

唐
蕭昕

麗錦匹云終檐檐展向風花開翻覆翠色亂動搖紅縷
散悠揚裏文迴照灼中低垂疑步障吹起作晴虹旣與
丘遲夢深知卓氏功還鄉將製服從此表亨通

七言律

庾順之以紫霞綺遠贈以詩答之

唐
白居易

千里故人心鄭重一端杏綺紫氤氲開絨日映晚霞色
滿幅風生秋水文為褥欲裁憐葉破製裘將剪惜花分

不如裁作合歡被寤寐相思如對君

錦

唐鄭谷

文君手裏曙霞生美號仍聞借蜀城奪得始知袍更貴
著歸方覺畫偏榮宮花顏色開時麗池鳳毛衣浴後明
禮部郎官人所重省中別好占窠名

大名文濟王賜重綵二端賦謝

元薩都拉

夜夢東南五色雲曉聞使者已臨門府中重遣年前賜

幕下多承望外恩
芝艸暖霞浮露彩
藕絲秋水織霜痕
何因得侍西園宴
宮錦淋漓獻壽樽

五言絕句

錦

唐
薛 瑩

軋軋弄寒機
功多力漸微
惟憂機上錦
不稱舞人衣
七言絕句

少儀

唐
司空圖

昨日登班侍柏臺
更慚起草屬微才
錦窠不是尋常錦

兼向丘遲奪得來

代送中使織袞還朝

明 俞安期

織罷冰綃進御歸
鮫人水國暫停機
自憐不及吳蠶老
一吐新絲上袞衣

御定佩文齋詠物詩選卷一百五十五

欽定四庫全書薈要卷一萬八千七百七十八

集部

御定佩文齋詠物詩選卷一百五十六

布帛類

五言古

素絲

唐

陸龜蒙

園客麗獨繭詩人吟五綬如何墨子見反以悲途窮我
意豈如是願參天地功為綫補君袞為絃繫君桐左右
脩闕職宮商還古風端然潔白心可與神明通

七言古

白絲行

唐
杜
甫

縹絲須長不須白
越羅蜀錦金粟尺
象牀玉手亂殷紅
萬草千花動凝碧
已悲素質隨時染
裂下鳴機色相射
美人細意熨貼平
裁縫減盡針線跡
春天衣著為君舞
蛺蝶飛來黃鸝語
落絮遊絲亦有情
隨風照日宜輕舉
香汗清塵汚顏色
開新合故置何許
君不見才士汲引
難恐懼棄捐忍羈旅

東川清絲寄魯冀州戲贈

宋蘇軾

驚谿清絲清如冰上有千歲交枝藤
藤生谷底飽風雪歲晚忽作龍蛇升
嗟我雖為老侍從骨寒只受布與繒
牀頭錦衾未還客坐覺芒刺在背膺
豈如顛卿晚乃貴福祿正似川方增
醉中倒著紫綺裘下有半臂出縹綾
封題不敢妄裁剪刀尺自有佳人能
遙知千騎出清曉積雪未放浮塵興
白鬚紅帶柳絲下老弱空巷人相登
但放奇紋出領袖吾顛雖老無人憎

五言律

羅

唐
李嶠

妙舞隨裙動行歌入扇清
蓮花依帳發秋月鑒帷明
雲薄衣初捲蟬飛翼轉輕
若珍三代服同擅綺紈名

布

李嶠

御績創羲皇緇冠表素王
瀑飛臨碧海火浣擅炎方
孫被登三相劉衣闡四方
佇因春斗粟來曉棣華芳

五言排律

恩賜耆老布帛

唐崔樞

殊私及耆老聖德振黎元布帛忻天賜生涯拜主恩情
均皆挾纊禮異賁丘園慶洽時方泰仁沾月告存寧知
酬雨露空識荷乾坤擊壤將何幸徘徊望九門

七言絕句

鮫綃

唐吳融

雲供片段月供光貧女寒機枉自忙若道不蠶能致此
海邊何事有扶桑

高氏姊惠素羅

元 鄭允端

雪色香羅照眼明
阿兄寄贈見深情
明朝急為裁春服
相約麻姑禮上清

寄絹陳雲泉

明 陸 鈺

白米新炊夜夜香
糟牀應聽雨淋浪
只愁濕却陶公葛
為寄官家壓酒囊

送賣水絮人過萬州

明 湯顯祖

江西水絮白輕微
殘臘天南正葛衣
見說先朝曾雨雪

檳榔寒落凍雲飛

御定佩文齋詠物詩選卷一百五十六

欽定四庫全書薈要卷一萬八千七百七十九

集部

御定佩文齋詠物詩選卷一百五十七

芋葛類

五言古

黃葛篇

唐
李白

黃葛生洛谿黃花自綿幕青煙蔓長條繚繞幾百尺
閨人費素手采緝作絺綌縫為絕國衣遠寄日南客
蒼梧大火落暑服莫輕擲此物雖過時是妾手中跡

題耕織圖

元 趙孟頫

池水何洋洋，漚麻水中央。
數日麻可取，引過兩手長。
織絹能幾時，織布已復忙。
依依小兒女，歲晚歎無裳。
布襦不掩脛，念之熱中腸。
朝緝滿一籃，暮緝滿一筐。
行看機中布，計日漸可量。
我衣苟已成，不憂天早霜。

七言古 附長短句

白紵

古樂府

白紵寶如月，輕如雲色似。
銀製以為袍，餘作巾袍以光。

軀中拂塵

羅浮山父與葛篇

唐李賀

依依宜織江雨空
雨中六月蘭臺風
博羅老仙時出洞
千歲石牀啼鬼工
蛇毒濃凝洞堂濕
江魚不食銜沙立
欲剪箱中一尺天
吳娥莫道吳刀澀

采葛歌

唐闕名

葛不連蔓蔡台台
今我采葛以作絲
女工織分不敢遲
弱於羅兮輕霏霏
號絺素兮將獻之

白苧歌

宋 戴復古

雲為緯玉為經一織三滌手織成一片冰清如夷齊可
以為衣陟彼西山於焉采薇

五言律

和李尹種葛

唐 戎昱

弱質人皆棄唯君手自栽
畝含霜後竹香惹臘前梅
擬託凌雲勢須憑接引材
綠陰如可惜黃鳥定飛來

七言律

答甘允從寄海東白紵

元虞集

海國練衣雪色明寄將千里見高情著隨野鶴渾相稱
行近沙鷗亦不驚江露滿船歌醉起爐烟攜袖憶詩成
秋風遊子偏愁予誰采芙蓉共晚晴

五言絕句

山居

唐鮑溶

窈窕垂澗蘿蒙茸采葛花
鴛鴦憐碧水照影舞金沙

石門曲

明王穉登

蠶成桑葉空門前青苧長一半織郎衣一半結魚網

七言絕句

邨行

金郭邦彥

棗花初落路塵香燕掠麻池乍頽頽一片雲陰遮十頃
賣瓜棚下午風涼

其二

芹葉蘆花岸兩邊釣谿石畔落孤鷺小畦引入平流水
麻稈森森已拍肩

御定佩文齋詠物詩選卷一百五十七

欽定四庫全書舊要卷一萬八千七百八十

御定佩文齋詠物詩選卷一百五十八

羶罽類

五言古

別羶帳火爐

唐白居易

憶昨臘月天北風三尺雪年老不禁寒夜長安可徹賴
有青羶帳風前自張設復此紅火爐雪中相暖熱如魚
入淵水似兔藏深穴婉軟蟄鱗蘇溫燉凍肌活方安陰

慘夕遽變陽和節無奈時候遷豈是恩情絕
毳簾逐日卷香燎隨煙滅離恨屬三春佳期在十月但令此身健
不作多時別

五言律

謝汾州田大夫寄苜蓿蒲萄

唐姚合

筐封紫蒲萄筒卷白苜蓿卧暖身應健含消齒免勞
衾衣疎不稱梨栗鄙難高曉起題詩報寒澌滿筆毫

七言律

襲美將以綠罽為贈因成四韻

唐
陸龜蒙

三徑風霜利若刀
檐榆吹斷胃蓬蒿
閒中祇自嗟龍具
世上何人識羽袍
狐貉近懷珠履貴
薜蘿遙羨白巾高
陳王輕暖如相遺
免製衰荷效廣騷

酬魯望見迎綠罽次韻

唐
皮日休

輕裁鴨綠任金刀
不怕西風斷野蒿
酬贈既無青玉案
纖華猶欠赤霜袍
煙披怪石難同逸
竹映仙禽未勝高

成後料君無別事只應酣飲讀離騷

周國雍參藩寄紅罽衣賦此為謝

明
朱多炆

萬里蠶叢亦浣紗使君緘贈自三巴
濯殘秋水天孫錦
染盡春山杜宇花
嬾集芰荷成短褐
閒過祇樹混袈裟
相思幾上江邊閣
却捲珠簾坐暮霞

七言絕句

元宮詞

明
朱有燬

清寧殿裏見元勳侍坐茶餘到日曛旋著內官開寶藏
剪絨段子御前分

御定佩文齋詠物詩選卷一百五十八